

Kanton Sarajevo
Skupština Kantona Sarajevo
Admela Hodžić Klub SDA

Sarajevo, 30.10.2019.godine

Kanton Sarajevo
Ministarstvo saobraćaja

PREDMET:ZASTUPNIČKA INICIJATIVA

Pokrećem inicijativu prema Ministarstvu saobraćaja da obezbijedi sredstva u iznosu od cca 1.000.000,00 KM za rekonstrukciju i izgradnju puta na dionici ulica XII Hercegovačka - Ban Brdo na Općini Hadžići.

OBRAZLOŽENJE

Neposredno uz zaobilaznicu M-17 naselja Hadžići, izdiže se Ban brdo na čijem platou je formirano novo stambeno naselje sa individualnom izgradnjom. Tendencija je daljeg širenja naselja. Građevinske parcele za izgradnju na ovom dijelu, formirane su u četiri paralelna niza, tako da je za komunikaciju među ovim novoizgrađenim objektima potrebno izgraditi tri paralelna kraka puta. Početak ove dionice je ispod nadvožnjaka puta M- 17, gdje je potrebno izvršiti spuštanje nivoa puta za prolaz teretnog vozila standardnog gabarita. Spoj ovog dijela saobraćajnice sa naseljem ostvaren je dosta velikim usponom, koji je potrebno malo ublažiti bez veće eksproprijacije zemljišta. Postojeći put koji prolazi kroz ova naselja je u početnoj dionici djelimično asfaltiran, sa vidljivim oštećenjima, udarnim rupama i bez rješenja odvodnje vode, kako oborinske tako i procjedne. Preostali dio dionice je zemljani put.

Zbog otežanog gradskog prevoza i kretanja pješaka, odnosno radnika, starijih osoba i učenika molimo da se krene sa projektom rekonstrukcije i izgradnju puta na dionici ulica XII Hercegovačka - Ban Brdo na Općini Hadžići. Projekat je već odavno spreman, ali dosada nije bilo sredstava za realizaciju istog. Zbog ovako značajnog projekta, molimo nadležne da što prije pristupe realizaciji istog.

Admela Hodžić